

Zeitschrift: L'ami du patois : trimestriel romand
Band: 24 (1996)
Heft: 95

Artikel: Le yardza, ha galeja pitita betheta
Autor: Mauron, Franthè
DOI: <https://doi.org/10.5169/seals-243672>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 06.08.2025

ETH-Bibliothek Zürich, E-Periodica, <https://www.e-periodica.ch>

LE YARDZA, HA GALEJA PITITA BETHETA

Ora mè brâvo j'èmi, i vu vo rakontâ on bokon la ya ke ménè le yardza. Kan no j'ètan bouébo de l'èkoula, kan no vayan ouna dè hou geléjè bëthètè, no la parèyivan po avê le pyéji de la vêre choutâ dè brantsè in brantsè, ma l'é rëmarkâ, kan no j'iran d'on koté dè l'âbro, nouthon yardza i chè katchivè dè l'ôtra pâ. Di kou no le tséhyivan pindin on'ara dè tin, irè prèchke mô fê dè pâ léchi la pé a ha galéja bëthèta ke no faji rin dè mô. I mè rapèlo k'on dzouno avu chon flobert l'avi tyâ on dè hou galé yardza è pu li a rounyi la kuva po la betâ a chon tsapi po fére le malin. Por mè i l'arê fayu li bayi cha dzoa dè prèjon po li aprindre a rèch-pèktâ on bokon la nature. E pu, vouéro krédè vo ke pèjè nouthon galé yardza ? Otyè min kan mûimo tyè on èlèfan ou'na balène ka fan 20 tonnes. Tinidè vo bin, i pèjè 250 a 300 grammes



Vo chédè ke a pou pri ti lè velâdzo dou tyinton i l'an on chobretyè kemin on di: Trîvô, lè j'âno; Arkonhyi lè matou; Prâreman lè j'oua; a châlè lè brâta chabo è a Epindè lè chupya vi. D'apri chin ke l'é oyu dre, lè dzouno d'Epindè l'i an fê ouna fîtha avu pachtringa, i l'an danhyi, fê lè fou, è pu i l'an fê ouna kuche dè vi a la broche kemin on di. Chi ke dèvechè vèyi chuchin l'èachebin jelâ danhyi è l'a oubiyâ dè veri cha kuche dè vi po fére a veri hou de 'na dzounèta, è pu kan lè j'ou le momin dè medji, la kuche dè vi irè tota chupyâye de 'na pâ è dinche le non dè chupya-vi lou j'è chobrâ.

I vo deriachebin ke a Remon lou dyon lè yardza. I parè ke chin lou j'è chobrâ du la bataye dè Morat, Kan hou brâvo chudâ dè Remon l'an apêchu lè Chavoyâ è lè Bourginyon avu lou kuirathe, i chon j'ou tot'inpontâ, i l'an grapiyi din lè j'âbro è dinche le non dè yardza lou j'è chobrâ. Ma ora lè chudâ dè Remon i chon ache vayin tyè ti lè j'ôtro Chuiche. Mè brâvo j'èmi patêjan, mè krêyo ke chin ke vinyo dè vo rakontâ chu le yardza vo farè pyéji.

